

詞

綜

補

遺

詞綜補遺卷十九

長洲 陶樑 輯

元詞五十七首

陸文圭 十三首

史藥房 一首

吳存 八首

許謙 一首

蕭欒 一首

同恕 二首

張養浩 二首

兀顏思忠 一首

葉森 一首

王蒙 一首

陸輔之 一首

朱晞顏 十六首

李孝光 二首

喬吉 二首

張可久

四首

李時

一首

陸文圭

字子方江陰人宋咸淳初以春秋中鄉選宋亡隱居城東延祐設科有司強之就試再中鄉舉以老疾不應徵召後五十餘年至泰定天厯間應聘設教容山至正初卒年八十五元史有傳有墻東類藁二十卷詞附

四庫全書總目文圭當南宋之末年已二十餘入元後五十餘年至泰定天厯間應聘設教容山順帝至正初始卒最爲老壽惟史不載其登仕版而集中吳縣學田記有至元辛卯余領吳縣學事語似曾爲教官然辛卯爲世祖至元二十八年文圭祇三十餘記中乃有余思且老句與文圭情事不合或此記本代人作而失於標註歟

點絳脣

玉體纖柔照人滴滴嬌波溜填詞未就遲却窗前繡

一幅花箋適與何人手還知否孤燈坐守漸入黃昏後

又

笑憐多羞低頭不覺金鍼溜憑媒將就鳳枕回雙綉

月地雲堦何日重攜手心堅否齊眉相守願與從今後

又

永夜無慘更堪點滴聽簷溜枕寒難就堆亂牀衾繡

人面桃紅還憶擎漿手君知否倚門獨守又是清明後

又

悶托香腮淚痕一綫紅膏溜將身錯就枉把鴛鴦繡

柳帶青青攀向行人手天知否白頭雙守破鏡重圓後

詞綜補遺卷十九

二

減字木蘭花

庚申六月三日同耶律君璋趙子淵兄弟避暑飲于元妙觀之荷池君璋

不飲命歌者歌以勸之

雙鬟聳翠低護金蓮裙窄地鐵石心腸無奈梅花一點
香 歌聲梁繞流水泠泠雲杳杳白髮劉郎對景須判
醉一場

阮郎歸 舟中賦所見

風吹一捻柳腰輕嬌柔力未勝眉兒喜學遠山青終朝
畫不成 嬌滴滴笑盈盈雛鶯葉底聲花梢雨過夕陽
明無情漸有情

唐多令

梅隱庵席上贈歌者

花下笑聲微鶯喉高又低怪穿花粉蝶成圍唯有禪心
清似水相對坐兩忘機莫道絮沾泥狂風也解飛恨
殘春九十將歸回首陽臺縹緲裏愁薄暮雨霏霏

又寄遠

明艷注秋波輕鬆綰髻螺怕逢人先歛雙蛾怯雨羞雲
情未穩佳會少遠離多梁繞憶清歌蘭舟肯更過爲
他垂淚染香羅欲倩鱗鴻將錦字知別後意如何

滿江紅

照歌者

兒女多情頗自恨英雄氣少春夢裏鶯啼燕語瞥然驚
覺寸寸淩波蓮步穩鸞鸞拂黛官眉悄似紅雲一朵罩

江梅天然好 舞腰細歌喉巧
茵錦褪梁塵繞更盈盈
笑嚙櫻脣紅小金瓊愛從心裏換
玉山偏向懷中倒奈
劉郎前度看桃花如今老

又 己巳二月二十二日游北門有感

試檢春光都不在
蘂籬茅屋荒城外
牯眠衰柳鴉啼枯
木黃染菜花無意緒
青蒲柳葉渾粗俗
歎繁華不似少年游
傷心目
棠塢錦梨園
玉燕衣舞鶯黃曲
詭陽天
輸與年穉金
簪行處綺羅香
不斷歸時絃管聲
相逐怕
夕陽散近黃昏
燒銀燭

念奴嬌 送幕職

殘花剩柳正啼鵑聲裏郵亭別館三疊陽關聽未徹手
執離杯引滿政坐諸君久煩老子今日纔蕭散翩然歸
去故園綠樹春晚 人世蒼白浮雲自舒自卷不入高
人眼官事如麻何日了輪與閑中不管翠柏臺高紫微
省近別有清華選功名歲宴江城回首天遠

水龍吟

次韻一首寄藥房

燕芹香老春深微風颭動新篁翠驚敲夢斷忙呼小玉
故人來未香縷篩簾游絲墮几暖薰花氣問春隨鶯到
又隨燕去誰解得東君意 澗水流紅影裏小樓東有
人孤倚殘桃著雨髻容撩亂未堪妝洗冉冉年光悠悠

時事不如沉醉更草孃一曲司空見慣也應回睇

採春慢 和小淵已巳元夕韻

細草黏冰疎林補雪衰翁未覺春暖曝背低簷燎衣破
竈誰識舞臺歌館樂事如今懶謝鄰伴東招西喚何消
看試華燈月光今夕圓滿念昔繁華帝里侍鳳輦夜
游闌曉人散迓鼓方催韻簫正美忽被西風吹斷簫簫
梅花落忍聽得一聲羌管懷古傷情淚痕濕春衫短

史藥房

按鐵網珊瑚載藥房題范文正公書伯夷頌
云韓辭范筆照千齡扶植綱常似六經日月
爭光宜下拜莫將北眼對蘭亭署欵稱眉山
史孝祥下有朱文藥房印知孝祥爲藥房之

名眉山當是其郡望也

水龍吟

清明後淡日過子方小飲欄邊玉茶正花
香韻蕭遠主人出侍人彈琵琶侑觴酒未

終上馬徑去恍然藍橋溢浦之遇也作水龍
吟以紀其事 見牆東類藁

等閑過了清明草痕深一庭新翠光風信息牡丹初褪

茶蘼猶未燕語清圓梅英鬆潤困人天氣笑文園倦客

詩才減盡猶有傷春意別有留春去裏小房攏玉英

雙倚天香浮動銖衣乍試鉛華盡洗一面琵琶輕攏慢

撥未觴先醉又匆匆藍橋路隔謾增凝睇

按此詞原本
缺三字

吳存

字仲退鄱陽人延祐元年舉于鄉以薦授寧
國路儒學教授至元五年卒于家年八十有

三有樂庵詩

集二卷詞附

詞總補遺卷十
霜天曉角

峨眉亭次韵

龍校四壁風浪生尋尺却上危亭孤嘯天無際水無極
百年綠底急晚風牛背笛回首故鄉千里山一髮暮
雲碧

江城子

高郵舟中

酒釭餅舍帶長溝過揚州又高郵逆浪流漸寸寸澁行
舟北望神京天共遠何處是五雲樓昔年此地足戈
矛轉城陬屢回頭巖社湖中明月竟誰收欲問少年淮
海士疎葦外起沙鷗

摸魚兒

揚州

笑風流少年杜牧如今雙鬢成雪來尋豆蔻梢頭夢二
十四橋明月人事別故國興亡欲問無人說淮雲萬疊
但雨外疎鐘烟中斷角到曉共嗚咽 蕪城外幾樹西
風落葉消磨多少豪傑平山堂上朝中措千載妙音幾
絕歌一闋怪水部梅花怪我心如鐵才情未竭待跨鶴
重來纏腰半解一奏玉笙徹

朝中措

春歸

蜂脾蜜滿燕成窠春事已無多風景付渠啼鴉客情還
我烟莎 春來風雨春歸風雨春竟如何輸與前溪醉
叟紅雲波上漁歌

浣溪沙 春閨送別

花滿離筵酒滿瓶
摘花未語淚先零
杯行教醉莫教醒
今夜醺醺連理枕
明朝柳絮短長亭
一般杜宇兩般聽

木蘭花慢

問東君識我應怪我
髻將華甚破
帽蹇驢清明無酒寒
食無家東風綠蕪千里
惟登樓歸思渺天涯
烟外一隻燕子
雨中半樹梨花
日長孤館小窗紗
新火試團茶
想明月灣頭
家家筍蕨井井桑麻
年華不饒倦客
早青梅如豆
柳藏鴉
欲逐夢魂歸去
客窗一夜鳴蛙

水龍吟 秋水泛舟

陶公三尺漁梭十年來蘚枯塵壁無端夜半風雷入夢
曉痕猶濕起喚蘭橈荻花蕩漾黏天晴碧望芝雲一點
爛銀盆裏青螺眼中堪識 獨倚枕牀清嘯看千帆霎
時風力孤篷穩繫釣車慢卷綠楊汀側遠樹如烟飛鷗
如雪暮愁如織倩何人小拂朱絃寫入一江秋色

又 落梅

無端夢醉西湖楊花撲帳春雲熱朝來問訛牆陰玉樹
霏霏香屑黏竹如斑點衣如唾穿簾如蝶甚兒童驚怪
東風幾日消不盡蒼苔雪 莫恨玉妃渾老半面妝風

流仍絕多情應有洛濱解珮江中捐玦消得幾番荒烟
疎雨冷雲殘月倩何人報與廣平渠不解心如鐵

許

謙

字益之金華人受業金履祥之門累薦不起
延祐中以講學名至元三年卒賜諡文懿學

者稱白雲先生有白雲集

四庫全書總目宋末元初說經者多尙虛談
謙於詩考名物於書考典制猶先儒篤實之
遺其詩理趣之中頗含興象五言古體尤諸
雅音非擊壤集一派涉理路者比文亦醇古
無宋人語錄之氣惟與王中伯一詩宗旨入
於老莊非儒者所宜言

蜨戀花

正月十一日

楊柳池塘春信早簾卷東風猶帶餘寒峭暖透博山紅
霧繞洞簫扶起歌聲香 初試花冠金鳳小鬢亂釵橫

長怯旁人笑銀燭未殘樽未倒雞聲漏水頻催曉

蕭 顥

字維斗其先北海人父仕秦中遂爲奉元人
歷官集賢學士國子祭酒卒年七十八諡貞

敏有勤齋集八

卷元史有傳

蘇天爵滋溪集載顥墓誌云顥於六經百氏
無不通尤精三禮及易且達於六書初鑿土
室終南山下以經傳列左右思索其義至忘
寐者三十年乃表裏洞徹闢輔自許魯齋倡
明理學之後顥實繼之

望月婆羅門引 叔經宣尉壽

誰人得數登臨看公鐘鼎何心鳳味東邊小築桃李作
高林道詩書教子絕勝黃金 千年尙禽肯隨世漫浮
沉好在傳家棠樹培塿清陰年高德劭似一日春光一

日深青鏡裏白髮休侵

同

恕

字寬甫其先太原人徙于奉元延祐四年召爲太子左贊善致和元年拜集賢侍讀學士以老疾辭卒年七十八諡文貞

有槩庵集十五卷元史有傳

按元史恕自京還家居十三年縉紳望之若景星慶雲鄉里稱先生而不姓時蕭興居南山下亦以道高當世入城必主恕家士論稱曰蕭同

鵲橋仙

韋園器約賞梨花

鶯鶯燕燕蜂蜂蝶蝶酒債幾時還徹韋郎又約醉梨花

對一樹玲瓏香雪盈盈脈脈翻翻折折小雨朝來乍

歇一年最是好看陰筭只有清明三月

又

香飛玉屑光凝粉蝶不比精神瑩徹春風一樹倚東闌
還稱道仙肌勝雪一憑誰與說容吾揀折老去情緣未
歇觥船一棹百分空直看到花梢有月

張養浩

字希孟號雲莊濟南人薦爲東平學正選堂
邑縣拜監祭御史除翰林侍制遷翰林直學
士改秘書少監拜禮部尙書以父老歸養召
爲吏部尙書不拜天歷二年閏中大旱饑民
相食特拜陝西行臺中丞諡文忠
元史有傳有歸田類藁二十四卷
明張綸林泉隨筆張文忠公三事忠告誠有
位者之良規觀其在守令則有守令之式居
臺憲則有臺憲之箴爲宰相則有宰相之謨
醇深明粹真有德之言也考其爲人能竭忠
徇國正大光明無一行不踐其言云

行香子

釣臺

見嚴州府志

一葉舟輕雙槳鴻驚水天清影湛波平魚翻藻鑑鷺點
烟汀對沙溪急霜溪冷月溪明 重重似畫曲曲如屏
憶當年虛老嚴陵君臣一夢今古空名但遠山長雲山
亂晚山青

感皇恩 自壽

林壑八年閑唵殘山色無處烟霞不相識真歡清福舉
世誰人曾得天教分付與雲莊客 萬里侯封九華仙
伯未必情濃似吾適扁舟風月好景初無今昔遐齡元
不在餐松柏 按元史仁宗初議立尙書省養浩言其不
便既立又言變法亂政將禍天下臺臣抑
而不聞遂疏時政萬餘言言皆切直當國者不能容復
構以罪罷之戒省臺勿復用養浩恐及禍乃變姓名遁

去此詞當作歸田之後至元十四年蘇天爵始刻於七聘堂

兀顏思忠

水調歌頭

借憲掾分司尉邑偶得友人招隱之章率爾次韻見河南通志

白雲渺何許目斷楚江天省風大河南北跋涉幾山川
手綫征衫塵暗雁足帛書天濶恨入短長篇青鏡曉慵
看華髮早盈顚嘆流光真逝水自堪憐明年屈指半
百勲業愧前賢霄漢驂鸞無夢桑梓歸耕有計醉且付
高眠寄謝鹿門老待我共談元

葉

森

字仲實江陰人通蒙古字學推擇爲譯吏轉兩淮鹽使司監運綱船改鹽官州判官調新

喻擢上高興國二

縣尹至治二年卒

王逢梧溪集挽葉仲實詩云老馬知歸途游
子久異縣鑿鑿鄉執銘芝鳳喜及見士生遭
登用如帆得風便藿叢拔巖門菜色驢海甸
山丁蠲徭役田酸慶豐羨捐懲豪股栗梁輦
衆心眷計奔繼母喪淚沁沙彌薦吉服戒中
逢河嶽氣蔥蔥遂成采真游孰謂游魂變幹
豔光後烈竊交忝遺彥大江流疎星其波自
紆練安得六七公爲擬襄陽傳

按四庫全書總目載元葉森增補梁元帝古
今同姓名錄二卷

蝶戀花

西湖感舊

見西湖志

小院闌春愁幾許目斷行雲醉憶曾遊處寂莫而今芳
草路年年綠遍清明雨花影重簾斜日暮酒冷香溫
幽恨無人顧一陣東風吹柳絮又隨燕子西冷去

王

蒙

字叔明號黃鶴山樵吳興人國器
子元未官理問入明爲泰安知州

鐵網珊瑚載蒙自記云余觀邵氏間見錄宋
南渡後汴京故老呼妓於廢園中飲歌太白
秦樓月一闋坐中皆悲感莫能仰視良由此
詞乃北方懷古故遺老易垂泣也蓋自太白
創此曲之後繼踵者甚衆不過花間月下男
女悲歡之情就中能道者惟有花溪則秦樓
夜訪金釵客金釵客江梅風韻海棠顏色尊
前醉向君休惜不成去後空相憶空相憶山
長水遠幾時來得自完顏菴中土其歌曲皆
淫哇蹉蹉之音能求憶秦娥者甚少有能歌
者求余作畫並填此詞以道南方懷古之意

憶秦娥

花如雪東風夜掃蘇堤月蘇堤月香銷南國幾迴圓缺
錢塘江上潮聲歇江邊楊柳誰攀折誰攀折西陵渡

口古今離別

陸輔之

字行直姑蘇人
官翰林院典籍

珊瑚網元姑蘇汾湖居士陸行直輔之有家
妓名卿卿以才色見稱友人張叔夏爲作古
清平樂贈之云候蟲淒斷人語西風岸月落
沙平流水漫驚見蘆花來雁可憐瘦損蘭成
多情應爲卿卿只有一枝梧葉不知多少秋
聲後二十一載行直以翰林典籍致政歸則
叔夏卿卿皆下世矣行直作碧梧蒼石圖并
書張詞於卷端且和之云云

清平樂

楚天雲斷人隔瀟湘岸往事悠悠江水漫怕聽樓前新
雁深閨舊夢還成夢中獨記憐卿依約相思碎語夜
涼桐葉聲聲

朱晞顏

字景淵長興人有瓢
泉吟藁五卷詞附

按吳澄集有晞顏父文進墓表載及晞顏能詩文而爲良吏不詳其爲何官今以集中詩考之則初以留國書被選爲平陽州蒙古掾又爲長林丞司煮鹽賦又曾爲江西瑞州監稅蓋以郡邑卑吏終其身者又按元代有兩朱晞顏作鯨背吟者別是一人

浣溪沙

謝張魯瞻惠紙筆和來韻

湘管娟娟弱鳳翎
霜毫楚楚醉猩英
就中心早可人情
漸老江淹無好夢
輸他年少意縱橫
只堪閑寫換鵝經

柳梢青

客懷

狂蹤怪跡料誰半
老天涯爲客帆轉
霜風船隨江月山
寒波碧
如今著處添愁
怎忍看參西雁北
洛浦鶯花

伊川雲水何時歸得

掃花游 送人

津亭柳色正舞翠
氈氈亂侵歌袖
驪駒送酒競東門
祖席賓僚動舊白髮
青衫愁絕風流去後
黯回首但夢繞
藩垣簾影清晝
遺愛曾未久聞里役
均輸力排豪右
喧傳萬口道調元贊
化是經綸手鼎鉉虛
賢分內功名信有事
非偶看金甌口名還
又

滿江紅

彈鋏歸來更誰歎
有魚無肉念良夜向
闌相對舊歡難
續一夕乍寒秋枕夢
十年重翦西窗燭算
人生得意待

何時蕉隍鹿 樽有酒妻堪熟書插架兒能讀傍虛簷
翠雲低亞萬竿修竹數點蒼山遙入戶半篙春水斜穿
屋便門前車馬寂無人從教俗

滿庭芳

和趙仲敬詠雪

碧水飛花裁冰作絮龍宮不管嚴寒斜侵風帽吟髯忽
摧殘誰念梁園倦客黃金盡作賦才慳飄流久寒欺敝
褐猶是馬蹄間 兒時曾從獵呼鷹野外落崖雲端猛
呼酒霜韉濕遍紅鴛倚馬酣歌秦妓紫貂暖不上裘船
今遲暮翩翩孤劍寂寞渡桑乾

又

寒壓衾裯光搖書幌夜深香夢初殘細聽窗戶簌簌響
春蠶風勁時時墮砌分明認山溜潺湲呼童起疎梅耐
冷修竹報平安曉來擁被看閨庭舞鶴古瓦迷鸞待
戲挽銀河飛步天壇祇恐瓊樓玉宇最高處無限清寒
憑君問九關虎豹香案五雲間

聲聲慢

賦柑花

瀼瀼微露重骨濃分清暑絕點珠璣不夢風寒繁艷自
有冰肌儘任梅烟瘴雨向炎洲偷換朱衣情緣短絕無
芳夢飛度江隄猶記傳來纖手藹香名三日賞遍吳
姬縱使馨兒妖麗誰與心期傷情墮樓恩重忍塵沙玉

瘞珠遺餘韻在返清魂環珮夜歸

木蘭花慢

陳伯永竹院有魏鶴山題扁名公留題

信吟筇到處儘可款箇人家見碧甃橫陳粉墻低亞亂
鎖烟霞森森萬竿如束倚虛簷風影白交加一點塵無
几硯十分清到窗紗堪嘉玉立瘦穿沙池色淨無瑕
向良夜移床靜臨書帖閑試茶瓜明月清風仍好但秦
宮梁苑遍棲雅零落殘香秀墨春衣拂遍苔花

齊天樂

薊門寒食

青烟一夜傳宮燭朝來管絃都試寶扇傳歌銀瓶索酒
柳下騎驄曾繫憐紅嫵翠任栲栳量珠伴春俱醉不道

無情花殘春老頓容易 人生幾何適意甚前時風度
今番情味楚褐凝塵濤牋封淚愁在斷鴻聲裏情絲恨
綺儘付與風簾燕兒論理不似流紅解隨東去水

念奴嬌

倦懷無據凭危闌極目寒江斜注吳楚風烟遙入望獨
識登臨真趣晚日帆檣秋風鐘梵倚遍樓東柱興來攜
手與君更上高處 隱約一水中分金鼇帶甲力與蛟
龍拒擬訪臨臯清夜鶴誰料坡仙曾遇斷壁懸秋驚濤
迴月總是無聲句勝遊如掃大江依舊東去

又

怒濤駕雪躡千騎爭赴危坡奔注高閣凌空圖畫出渺
渺荆揚佳趣夢澤雲寬邗溝霜淨影落晴檐柱南來王
氣銷沉榛莽深處堪笑亡國危機沉江鎖鎖欲把東
吳拒司馬家兒那解事神算真成天遇商意悲涼宮詞
淒苦忽聽臨風句無情江水不將遺恨流去

一萼紅 盆梅

玉堂深正重簾護暝窗色試新晴苔暖紋生泥融脈起
春意初破瓊英夜深後寒銷絳蠟誤碎月和露滴空庭
暖吹調春冷侵芳夢一餉銷凝長恨年華婉晚被柔
情數曲抵死牽縈何事東君解將芳思巧綴一斛春冰

那得似空山靜夜傍疎籬清淺小溪橫莫問調羹心事
且論笛裏平生

過秦樓

客中端午

水碧紗厨月圓紈扇悄悄午窗曾共祛愁楚艾照眼安榴節物把人傳送無奈長晝如年鶯趁吟情蝶迷鄉夢
悵歸期多誤暮雲凝望亂愁如葑誰念我悶對騷經
蘭尊遺譜冷落赴湘琴弄醒魂正渴筒碧初乾買健教
人呼隸不似歸來故園同泛香蒲頻傾春甕儘癡兒歡
女齊唱湖樓興動

蘇武慢

枕海山橫陵江潮去雉堞秋風殘照間尋桂子試聽菱
歌湖上晚來涼好幾處蘭舟采蓮遊女歸去隔花相惱
奈長安不見劉郎已老暗傷懷抱誰信得舊日風流
如今憔悴換却五陵年少逢花心冷避酒杯深常是懶
歌慵笑正天威掃平在寇整頓乾坤都了共赤松攜手
重期明月再遊蓬島

賀新郎

壽清尹靳從矩

縣古槐成幄燕泥香繁紅陸雨半簾花落一夜江皋黃
犢雨萬頃綠雲噴薄聽四野田歌歡樂堂上琴聲堂下
水畫庭空自下風簷雀喧競少儘不惡竹牕暑淨巾

言系不空卷一
三
斜著傍筠軒閑舒笑傲舞翻霜鶴裴几藤牀揮玉塵風
骨棱棱如削炯一段清冰秋堅待得河陽桃李滿向雪
堂重訂梅花約須喚我共斟酌

又 歸雁送劉季和

雲影低平楚看翩翩離羣避暖去尋孤戍猶記登樓看
瘦字零落西風無數把往事書將空處乍別榆關秋夢
迴向江南睡足菰蒲雨天欲暝雪初絮江空歲宴衡
陽度儘冥冥稻梁謀拙弋人何慕行斷驚飛悲弔影誰
念嘹風最苦算只有天涯羈旅暮聽城笳迷去翮被落
花飛絮相縈住輸海燕笑遲暮

李孝光

字季和樂清人隱居雁蕩山五峯下至正七年詔徵隱士以秘書監著作郎召赴京進孝經圖說順帝大悅賜上尊明年升秘書監丞卒于官有五峯集六卷元史有傳按楊廉夫作陳樵集序歷舉元代作者以季和與姚牧庵吳草廬虞道園並稱今考集中雜文僅止二十首目錄中尙有佚文四篇知遺失者正不少也

青玉案

兒童齊唱民安作問底事來何暮酷似當年廉叔度春風千里綠到棠陰處玉壺清貯金莖露翻向人間作霖雨今日東甌成樂土清都虎豹借恂無計袞職須君補

水調歌頭

東湖浸南麓北蕩帶西山其中大有佳處元不減商顏
上有雁峯千疊下有龍灘百曲別是一人寰昨夜雨新
過流水到花間 一張琴一壺酒伴渠閒詩成真宰應
妒萬象入嘲訕北海尊羈依舊東里杖藜無恙未放髩
毛斑吾亦秣我馬不怕路盤盤

喬

吉

字夢符太原人有惺惺道人樂府一卷

賣花聲

見歷代詩餘

侵曉闌干叫道嫩紅嬌紫巧工夫攢枝餽藥行歌佇立
灑洗妝新水捲香風看街簾起 深深巷陌有箇重門
開未忽驚他尋春夢美穿窗透閣便憑伊喚取惜花人

在誰根底

天淨沙

一從鞍馬西東幾番衾枕朦朧薄倖雖來夢中爭如無
夢那時真箇相逢

張可久

字伯遠號小山慶元人以路吏轉首領有小山樂府二卷

太和正音張小山如瑤天笙鶴旣清且新華而不豔有不食烟火氣

風入松

九日

哀箏一抹十三絃飛雁隔秋烟攜壺莫道登臨晚雙雙
燕爲我留連仙客玲瓏玉樹佳人窄索金蓮琅琅新
雨洗湖天小景六橋邊西風潑眼山如畫有黃花休恨

言絲和並卷十
無錢細看茱萸一笑詩翁健似當年

人月圓 春日次韻

羅衣還怯東風瘦不似少年游匆匆塵世看看鏡裏白
了人頭 片時春夢十年往事一點閒愁海棠開後梨
花暮雨燕子空樓

又 客吳江

三高祠下天如鏡山色浸空濛蓴羹張翰漁舟范蠡茶
籠龜蒙 故人何在前程莫問心事誰同黃花庭院青
燈夜雨白髮秋風

又 吳門懷古

山藏金虎雲藏寺池上老梅枝洞庭歸與香柑紅樹鱸
膾銀絲白家亭館吳宮花草可似當時最憐人處啼
鳥夜月猶怨西施

李時

按竹垞詞綜凡例稱向客太原見晉祠石刻
多北宋人唱和詞嗣詢之宦遊晉地者俱云
未見晉祠石刻宋詞止披雲子雨霖鈴一首
元詞姜夔浣溪沙二首鴈鵠天一首李時木
蘭花慢一首披雲子語涉丹鼎詞復粗淺置
不錄外姜或已列入前卷李時字居中北京
人見畫史會要姚廣孝詩云北苑當年下筆
奇浪傳千載亦堪悲天機爛漫無人悟誰道
燕山有李時蓋其人人明尚在也

木蘭花慢

言系不
憶蘭亭佳致從憲長試追尋問開化高峯晉溪流水誰
是知音雖無鳳笙龍管勸行裝時有不絃琴馬首家
明月眼前處處禪林一觴一咏暢懷襟塵世任浮沉
甚莫論興亡休爭人我且樂歡心韶華豈能常在又斜
陽西下暮雲深好袖東風歸去春宵一刻千金

詞綜補遺卷二十

長洲 陶 樑 緝

元詞六十二首

錢應庚 六首

錢抱素 三首

孟 昉 二首

何繼高 一首

吳 瓘 二首

蘇大年 一首

張 肯 一首

王容溪 一首

王 逢 一首

舒 頔 二首

舒 遜 一首

何景福 一首

何可視 二首

郊 韶 一首

袁華 一首

于立 一首

陸仁 一首

張遜 一首

陸祖允 一首

湯彌昌 二首

束從周 一首

金綱 一首

張翬 一首

杜善夫 二首

謝醉庵 一首

劉應雄 一首

劉貴翁 一首

李太古 五首

曾棗 一首

龍端是 一首

龍紫蓬 一首

黃霽宇 一首

曾寅孫 一首

劉忠之 一首

章凱一首

白雲山翁一首

釋明本一首

覺達一首

邱處機三首

管道昇一首

無名氏女郎一首

錢應庚字南金

按錢綱珊瑚載貞溪名勝詞翰貞溪爲邵復孺所居錢南金家於潛水與復孺互相酬贈宗人素庵亦預其列極一時嚶鳴之雅而三十年交誼往往流露行間惜其時已丁未造戎馬倥偬詞中始述從軍繼言避地殆不禁滄海橫流之慨矣

西江月 和邵復孺用仲參幕贊韻

往事俄驚如夢白頭追感前時半生辛苦爲吟詩詞筆

言集補遺卷二十一
二
翰君工緻 世變俱成老 大年來更覺衰遲 通家欲結
歲寒期 未必天公無意

春草碧

復瑞自軍中回予伯氏口口口以識會合之喜因次韻

折衝尊俎談兵略 還記五湖船烟波 約束鄰有客歸來
應訝山翁瘦如鶴 問訊舊元都 今非昨 當年錦里依
稀青山似削 天地一蘧廬 從棲泊 西園長記前游乘興
重來看欄藥 白首友于情同憂樂

又 再韻和復瑞亂後敘舊

故人胸次藏三略 鷗鷺水溪邊 重尋約 千門兵火蕭條
回首華亭有歸鶴 城郭是耶非 傷前昨 相逢謾說新

詩多君郢削隨分一枝安甘依泊書囊再覩雄文帷幄
忠言似良藥攜手問何時承平樂

臺城路 寒食後雨軒獨坐讀復孺詞次韻

一庭芳草閑春晝疎疎弄簾花影鼓子風喧苔痕雨潤
還聽蛙聲鳴井沈吟坐暝正綺席杯空藥爐烟冷老去
無情好春不減舊芳景 天涯誰念倦旅閉門風雨意
獨自禁領南浦歌長西堂夢遠往事不堪追省滄浪望
迴記那日歸舟客懷猶騁莫倚危樓亂紅愁萬頃

八聲甘州 倚和邵復孺

折蘭難寄遠渺汀蒲烟柳思依依甚檐花聽斷騷章歌

罷此意誰知滿眼孤村流水腸斷去年時過了重陽日
重問歸期 同是天涯羈旅嘆湘靈鼓瑟笑我全非九
江風雨外客有澹忘歸正目渺褰情愁予又吳潮吹上
竹枝詞西窗夜待翦燈深坐却話相思

隔浦蓮近拍

水檻對雨

徘徊開滿露井竹映琅玕瑩幔捲方池雨微微落飛檐
影荷葢擎萬柄明妝靚浪破魚吹鏡 翠禽並梅風乍
起桃笙微帶新潤瀟湘舊夢喚我綠蓑歸興憑徧闌干
暗自省人靜夕陽移下清景

錢抱素

字素庵

臺城路

和復孺韻

見鐵網珊瑚

碧雲深凝遙天暮經年雁書沈影雨散梅魂風醒草夢
還見春回鄉井花明柳暝念賈篴香空謝池詩冷流水
斜陽舊家那是舊風景懷思橫泖雅趣故人吟嘯裏
得意時領譜綴臺城緘傳舊水肯把俊遊重省憑高倚
迴縱老興酒濃不堪馳騁隔斷相思浦潮波萬頃

春草碧

客窗閒理清商譜彈到斷腸聲傷今古自憐素髮無多
猶記紋疏夜深語空剩舊時蹤迷南浦梨花燕子清
明誰家院宇沒箇好情懷杯慵舉天涯行李蕭蕭還是

新愁老羈旅那更落花深紅似雨

鎖窗寒 題玉山草堂

書帶生香忘憂弄色四窗虛悄茅茨淨覆棟宇洗空文
藻捲珠簾雨痕暮收綺羅靜隔紅塵島對紙屏素榻拂
潭烟樹掃簷風篠深窈西園曉似日照爐峰數聲啼
鳥璫蓮倚蓋曉水靚妝孤裊浣花溪尙餘舊春穠芳牘
釀吟未了望東林小徑斜通夢約香山老

孟昉

字天緯本西域人寓居北平

邵遠平續弘簡錄孟昉至正中爲翰林待制
官南臺御史工書法

天淨沙

見歷代詩餘

上樓迎得春歸暗黃著柳依依弄野輕寒似水錦牀鴛
被夢回初日遲遲

又

依微香雨青氛金塘間水生蘋數點殘芳墮粉絲莎輕
觀月明空照黃昏

何繼高

字左昌至正八年
進士知嵩明州

採桑子

見歷代詩餘

醉歸那忍旋分手竹屋燈明石鼎茶聲坐久聽來酒力
輕粉箋染就芙蓉滑小句初成轉自淒清寒逼春衫
欲二更

吳 瓘

字瑩之號竹莊嘉興人

圖繪寶鑑吳瓘多藏法書名畫能作窠石墨梅學楊補之頗有逸趣
鐵網珊瑚載瓘跋云至正戊子冬孟竹莊梅已蓓蕾因賦柳稍青詞而明遠適來索余作故寫梅就書之

柳稍青

題梅贈趙明遠

檣角孤根株身纖小嬌羞無力蟹眼微紅粉容未露不
禁春色 待東君汨沒芳姿漸迤邐檀心未坼緩步迴
廊黃昏月淡那時相得

蘇大年

字昌齡號西坡真定人官翰林編修元末避兵居吳張氏用爲參謀稱蘇學士

踏莎行

題巫峽雲濤和王德璉韻

見鐵網珊

烟外斜陽雲中遠岫翠眉輕補膳支漏

見南朝
侍兒錄

迴波都

是斷腸聲斷腸更聽哀猿吼

暮雨凝愁朝雲滯酒餘

懷遠寄湓江口世間木石本無情如何也似離人瘦

張

肯

字繼孟號夢庵
吳人隱居不仕

鐵網珊瑚載夢庵自識云余嘗放舟武昌泛
赤壁磯登黃鶴樓上巫峽步瞿塘之險于楚
江晨夕飽覽奇勝回首二十餘年矣今披
此圖恍若夢寐追憶舊遊姑譜此詞以寓所
慨云歲癸酉十月望日
按繼孟跋張溪雲鈎勒竹卷自署浚儀張肯
見續書畫題跋

齊天樂

題燕龍圖楚江秋曉卷

曉風吹醒蓬窗夢驚心斷魂潮尾深髻蕭蕭秋容黯黯

殘月漸看西墜披衣乍起對萬頃蒼茫半空飛露曙色
纔分巫山隱隱掃晴翠行舟此際競發歎還吳適楚
盡趨名利投老襟懷思鄉情緒慵賦天涯羈旅鷗汀雁
渚記彷彿當年遍經行處今日披圖舊遊如夢裏

王容溪

鐵網珊瑚載倪雲林倣高房山山水跋云無
錫王容溪先生賦如夢令云云高房山嘗繪
之爲圖

如夢令

林上一溪春水林下數峰嵐翠中有隱居人茅屋數間
而已無事無事石上坐看雲起

王逢

字原吉江陰人至正中嘗作河清頌累薦不起隱居黃山自稱席帽山人遷松之青龍江名所居曰梧溪又徙上海烏涇號最閒園丁有梧溪集七卷

周伯琦梧溪集序原吉遭時多虞以客爲家大府交辟一不就迴翔州里能以一言活黨亂者數千人之命以一檄降惡少五千之衆又聚挫無錫之賊於兵者千百人之胷豁力可到者不少愜齒與之語恂恂也至於去就之辨三公不能易其介三軍不能奪其節鐵網珊瑚載逢歸云余謝病將還小隴謁梁侍郎顧先生祠就宿寶雲禪舍是夕王仲冕相與論心久之而去明日過冕見先友倪幼霞所畫且獲觀王容溪張貞居二公詩詞還冕微賦苾邨亦爲長短句一闋衰憊之餘一時清興殊灑然也梧溪老人王逢時年六十有五

如夢令 苾村

簷聳數株松子邨繞一灣菰米鷗外迴聞雞望望雲山
烟水多此多此酒進玉盤雙鯉

舒

頤

字道原績溪人至元丁丑辟池陽教諭至正
庚寅轉台州學正世亂居華陽山中自號華

陽逸者明興屢詔不出
有貞素齋集八卷附詞

四庫全書總目貞素齋集有頤自序及自作
小傳均以此為自序而其文乃多頌明功德
蓋元綱失取海水羣飛有德者與人歸天與
原無所容其怨尤特遺老孤臣義存故主自
抱其區區之志耳頤不忘舊國之恩為出處
之正不掩新朝之美亦是非之公固未可與
劇秦美新一例而論也

太常引

見歷代詩餘

山色共承宣君秩滿我遲延幾度醉花前曾怪殺春山

杜鵑 菱花再照鸞膠再續應笑雪盈顛深夜語嬋娟
也曾是都門少年

風入松

紗厨過雨晚涼生枕簟不勝情冰肌玉骨元無汗香風
迴深院語流鶯翠幌光搖絳蠟畫堂暖瀉銀餅 玉箏
牙板按新聲雲髻寶釵橫銀絲膾細江瑤脆揚州月照
我醉吹笙舊事十年猶記壯懷此日堪驚

舒 遜

字士謙號可庵
頓弟有搜枯集

感皇恩

疎雨滴清秋洗殘流火爽動涼飈透簾幙寒蛩吟徹誰

道小窗蕭索青燈相伴我情依約 螢照更殘烏啼月
落悲壯山城數聲角漫漫長夜扣角長歌方覺人生能
有幾須行樂

何景福

字介夫淳安人別號鐵牛翁至正末
遭亂不仕有介夫文集四卷詞附

虞美人

別魯道源

三年奔走荒山道喜說苕溪好苕溪秋水漫悠悠載將
離恨上杭州 干戈未已身如寄安樂知何處青溪溪
上釣魚磯縱使無魚還有蟹螯肥

何可視

字思明嘉興人值元末世
亂不仕自號爛柯樵者

蝶戀花

送春

見歷代詩

金井啼鴉深院曉
鴈盡東風柳絮吹難了
燕子多情相識早
杏梁依舊雙雙到
一縷沉烟簾幕悄
滿眼飛花祇攪人懷抱
十二玉樓春樹杪
天涯不斷青青草

玉樓春

鄰雞喔喔晨窗白
檐樹深沉初辨色
鴛鴦瓦上露溶溶
翡翠簾邊風瑟瑟
小樓一半屏山隔
不減銀缸通照
夕還鄉好夢却忘愁
夢破那堪仍在客

郊

韶

字九成吳興人至正中嘗辟試漕府掾

雲臺集韶自號雲臺散吏又號苕溪漁者日往來於玉山與諸君相倡和

清平樂

題桐花道人卷次石民瞻韻詩餘

見歷代

湘雲微度六曲朱欄暮簾外香飄梅子樹知有王孫索
句誰將瓊瑤吹霞柳花飛過東家說與門前去馬斷
腸休為琵琶

袁華

字子英崑山人
生於延祐丙辰入明為蘇州府學訓導有晦學齋詩集十二卷可傳集一

卷

楊維禎序袁華可傳集吾鐵門稱能詩者南
北凡百餘人求如張憲袁華者不能十人
按顧瑛玉山紀游一卷袁華編次華以外為
會稽楊維禎遂昌鄭元祐吳興鄭韶沈明遠
南康于立天台陳基淮南張滌嘉興瞿智吳
中周砥釋長琦崑山陸仁又鐵網珊瑚載張
伯雨雜詩五十五首贈袁子英跋云子英持
去勿示不知我者越三十八年壬子子英復
以是卷贈陳彥廉亦題其後云彥廉與子同
志故割愛以贈以歲月計之蓋洪武十有五
年也

水調歌頭

宴顧仲瑛金粟影亭賦桂詩餘

見歷代

山橫眉黛淺雲擁髻鬟愁天香笑攜滿袖曾向廣寒游
素腕光搖寶釧金縷聲停象板歌罷不勝秋十指露春
筍佯整玉搔頭記錢塘朝載酒夜藏鉤青衫斷腸司
馬消滅舊風流三百六橋春色二十四番花信重會在
蘇州水調按新曲明月照高樓

于

立

字彥成南康人學道會稽山中

鐵網珊瑚載于立蘇山題扇詩題扇書裙亦
偶然千年風致尙堪傳山陰道士能諸事只
乞黃庭內外篇

又前題

言終補遺卷二
微紅暈雙臉濃黛寫新愁好似霓裳仙侶曾向月中游
憶得影娥池上金粟盈盈滿樹風露九天秋折取一枝
去簪向玉人頭 夜如年天似水月如鉤只恐芳時暗
換脈脈背人流莫唱竹西古調喚醒三生杜牧遺夢遶
揚州醉跨青鸞去雙闌對瓊樓

陸 仁

字良貴自稱樵
雪生河南人

鐵網珊瑚載陸仁題崔君誼友竹軒云交道
久已喪澆風何由醇對面論氣誼轉足生棘
棒斷金臭如蘭所貴同心人取友古所難此
君誠可親霜風凜高節歲寒相與鄰于焉念
同志碌碌奚足論

又 前題

小重山 前題

楊柳絲絲雨，
風前村溪路遠，
小橋通人家。
依約水西東，
舟一葉移過，
葦花叢。
清景迴涵空，
好山青未了，
暮雲重。
是誰驚起，
幾征鴻。
天然趣恰在畫圖中。

金

綱

嘉興人

踏莎行

題性初徵君破窗風雨圖和王國器韻
見鐵網珊瑚

草帶殘編荷衣斷，
袂破窗風雨深深閉。
江南倦客正思家，
燭花搖夢來鄉里。
翠竹簷前碧蕉叢，
裏秋聲鬪合愁心碎。
不教潘鬢總成霜，
也應有淚如鉛水。

張

翬

字翔南，其先陸人，徙居嘉興。吳中人物志云：太倉人。

又前題

簷宿吳雲風經楚袂門深不似春宵閉碧疏吹雷濕燈
花客鄉無夢尋珂里翦韭吟邊聽潮浪裏江懸漏杳
歸心碎相思鳩外綠蓑寒一簾蕉響秋如水

杜善夫

山房隨筆杜善甫山東名士工詩不屑仕進
游嚴相之門嚴乃濟南望族善甫爲所敬重
一日讒者間之情形分浸乖杜謝以詩云高卧
東窗興已成簾鉤無復挂冠聲十年恩愛淪
肌髓只說嚴家好弟兄嚴悟非其過欵密如
初時有掌兵官遠戍於外其妻宴客笙歌終
夕善甫詩曰高燒紅燭照雲鬢沸耳笙歌徹
夜闌不念征西人萬里玉闥霜重鐵衣寒聞
者快之有薦之於朝表謝不赴
涵虛子記元詞杜善夫如鳳池春色

太常引

以下見草堂詩餘

碧廚冰簟午風涼都是好風光獨自守空牀淚滴了千
行萬行 別時情意去時言約剛道不思量不是不思
量說著後教人語長

朝中措

汴梁三月正繁華行路見雙娃遍體一身明錦遮塵滿
面烏紗 車鞍似水留伊無故去落誰家爭奈無人說
與新來憔悴因他

謝醉菴

臨江仙

中書右丞王公行臺揚州公于平陽鄉里
也吾友張鵬翼往依焉于其行歌以送之

淮海東南佳麗地古今畫品詩題羨君去意拂晴霓腰
錢期跨鶴舞劍異聞雞自笑病來成老懶飛塵杳隔
雲泥他時相憶此分攜月明歸雁過花落子規啼

又

白髮壯心還未減春風夢繞揚州青山隱隱水悠悠征
帆從蕩漾行李亦風流向日侍郎今右相元龍豪氣
橫秋月明千里鎮淮樓依然青眼舊應不負依劉

鷓鴣天

睡思才消賴有茶老懷剛慰奈無花花隨流水三春盡
柳礙東風一面斜
憐病久怯春寒
一作多暮雲庭院噪

歸鴉碧雲草就闌心句信到吟詩解嘆嗟

浣溪沙 贈琴娃

沈屑微熏睡鴨金朱絃還解解芳心盈盈桃李未春深
天上鸞膠須著意人間鳳曲有知音莫教風雨綠成陰

劉應雄

字青原
西昌人

木蘭花慢 元夕郡侯邀賦

梅妝堪點額覺殘雪未全消忽春遞南枝小窗明透漸
褪寒驕天公似憐人意便挽回和氣做元宵太守公家
事了何妨銀燭高燒旋高鐵鎖粲星橋快燈市客相

邀且同樂時平唱彈弦索對舞纖腰傳柑記陪佳宴待
說來須與換金貂只恐出關人早鷄鳴又報趨朝

劉貴翁

字桂所廬陵人

滿庭芳

萍

燕子西飛楊花北去春風飄向伊誰盈盈小小輕薄不
堪肥天付風流到骨消不盡流落青池誰知道踏歌朝
暮癡絕待渠歸 惜惜春似酒目痕生紺裙色明漪笑
東家西沼到處依依同是春風種得獨無據飄泊年時
青梅落水光簾影小翠立橫枝

李太古

字古芸

永遇樂

玉砌標鮮雪。園風致似曾相識。蟬錦霞香。烏絲雲濕。吹
渴蟾蜍。滴青青。白白。閨闔滑滑。寒損銖衣。狂客儘聲聲
不如歸去。歸也。怎生歸得。含桃紅小。香芹翠軟。惆悵
宜城。山色百摺浮嵐。幾灣流水。那一些兒。直落花情味。
露花魂。夢蒲花消息。撫修眉。織烏西下。爲君凝碧。

戀繡衾

橘花風信滿院香。摘青梅。猶自怕嘗。向綠密紅疎處。喜
相逢。飛下一雙。堪憐。堪惜。還堪愛。喚青衣。推上繡窗。
暗記得。憑肩語。對菱花。啼損晚妝。

南歌子

月下秦淮海花前晏小山
二仙仙去幾時還留得月魂
花魄在人間
河漢流旌節天風裊珮環
滿空香霧濕雲鬟何處一聲橫笛杏花寒

虞美人

西風海色秋無際雙淚如鉛水
白羊成隊夢初平拄杖敲雲雲外曉鴻驚
小瓊閑抱銀箏笑問有芳卿否玉書分付莫開封
明日人間臨水拾流紅

卜算子

夢中作

盡道是傷春不是悲秋怨
門外分明見遠山人不見空

腸斷 朝來一霎晴
薄暮西風遠
卻憶黃花小雨聲
誤落
下三四點

曾

叢

舟字橫

鎖窗寒

簾下

緜緜雲橫銀鈎月小
綠楊庭院疎明滿幅
永晝未收高卷
愛空紋巧
勻曲波弄晴
日色花陰轉
任篩金影碎輕
敲簷玉礙雙飛燕
凝兒窗留篆影
六曲雕闌翠深絳
淺香風暗度
不隔嬌鬆
鶯囀似無情
重霧下垂嫩桃想
像添笑臉
望瑤堦翠地雙鴛
注盼金蓮遠

龍端是

言終和送卷二十一
憶舊遊

題南樓

問南樓月色十載相疎何似今宵舊雨菰蒲國想波光
雁影遠撼沅瀟凝蘇堤上楊柳洲碧爲誰搖歎庾扇塵
深胡牀夢淺翠減香銷迢迢謾回首記醉酒江山曾
共金鑣暮色沉西壘幾狂朋來往舟葉招招浩歌拍手
歸去風月兩長橋算此會何時劉郎去後多嫩桃

龍紫蓬

鴈鴒名儒草堂詩餘跋此本借鈔于吳君尺
見糖谷亭所藏頗多顛倒殘缺略爲校定而
脫字則仍之今年冬日舟艤虎邱山塘書肆
中借得朱竹垞先生家鈔本復改補數字下
卷題滕王閣齊天樂一首添入龍紫蓬姓氏
殊快人意但朱氏上卷姓氏多遺落不可解

也雍正庚戌陽月七日題于邗江小玲瓏山館

齊天樂 題滕王閣

雨簾雲棟重尋處青紅半空飛去檻影侵鷗簷光送雁
搖蕩秋容千里歌珠舞翠怎禁得無情一江流水可是
西山半肩新綠向人覷千年留下賸賞儘登臨無限
須付才思壞堞閑愁危檣往恨欲拍闌干無路新碑舊
記更今古匆匆一番興廢立盡斜陽共誰評半語

黃霽宇

水龍吟 青絲木香

麗華一握青絲金珠粟粟香環裏春窺綺閣新妝風舞

銖衣如碎翠鳳蒼虬騎來下界蝶驚蜂避甚三生富貴
垂垂曉露猶凝滿身珠翠誰共那人結髮問何時蹇
修爲理對花一笑香茸易翦碎金難綴半點芳心亂愁
如織縷絲傳意倩東皇拂拭新條更與作來生計

曾寅孫

山陰人

減字木蘭花

題卽歸子日觀葡萄卷
銷夏錄

見劉堅

吳綃蜀繭筆底墨雲飛一片點點秋腴收得驪龍頷下
珠興來一掃惜處有時慳似寶露葉蕭條幾度西風
吹不凋

劉忠之

物形爲歌詞亭之名因是而愈彰變亂以來
是亭廢爲邱墟繼世傳道者感慨斯亭之不
存激節元言之猶在必欲刻堅珉而垂永久
建虛亭而復舊觀不失爲好古博雅君子也
命余略紀其實於是乎書時大蒙古中統五
禩歲次甲子仲春岐州白德懋書

水龍吟 題虛亭

鳳鳴南邑清嘉大仙降跡行鸞地琳宮寶閣星壇月觀
槐陰竹翠烟蓋雲幢影搖寒殿往來呈瑞向虛亭東望
平川似錦洪河泛渺天際 水秀水甜人義遍坊村各
生和氣我來不忍輕歸劉蔣今祖庵大重陽宮地名劉蔣村天心地肺
須待他時暗淘真秀育成丹桂去長安路上眠冰卧日
作終身異

漁家傲

夜來又見銀河綻，碎翦鵝毛交加亂。染盡素山如粉面。
路難辨，迢迢萬里如鋪練。密灑高樓風似箭，江邊聽
得漁翁喚。玉作棹竿銀索纜，船行慢。水流冰結梨花綻。
碑未畧，大朝癸卯歲重九日長春園主龐德通立石

無俗念 靈虛宮梨花詞

春遊浩蕩是年年，寒食梨花時節白。錦無紋香爛漫，玉
樹瓊葩堆雪靜。夜沉沉，浮光靄靄冷。淩溶溶，月人間天
上爛。銀霞照通徹。渾似姑射真人天。姿靈秀，意氣舒
高潔。萬化參差誰信道，不與群芳同列。浩氣清英，仙材

卓犖下土難分別瑤臺歸去洞天方看清絕

管道昇

字仲姬吳興人趙孟頫室
延祐四年封魏國夫人

畫史會要管夫人嘗畫懸崖朱竹一枝楊廉
夫題云網得珊瑚枝擲向簷簷谷明年錦綉
兒春風生面目
鐵網珊瑚釋明本題管夫人竹石云竹分修
石兮貞木之茂草之清魏國作此贈以中了
無一點塵世情風高露冷禪入骨何如切利
口口似老摩耶也教直下雙瞳明後題魏國
夫人管氏深入禪定於富貴中書經之暇尤
精於竹石夫人長往又三白而以中亦爲之
人寂偶見此軸口請着語故不能已言

漁父詞

見歷代詩餘

遙想山堂數樹梅凌寒玉蘂發南枝山月照曉風吹只
爲清香苦欲歸

無名氏女郎

卓珂月詞統此詞當時盛爲馬東籬張小山
諸君所服或曰洞天女作詳見元之夢游詞
序中詞共十有八閱周勒山林下詞選錄其
半

玉蝴蝶

爲甚夜來添病強臨寶鏡憔悴嬌慵一任釵痕髻亂永
日薰風情脂消榴紅徑裏羞玉減蝶粉叢中思悠悠垂
簾獨坐倚遍熏籠朦朧玉人不見羅裁囊寄錦寫牋
封約在春歸夏來依舊各西東粉墻花朝來疑是羅帳
雨夢斷成空最難忘屏邊瞥見野外相逢

詞綜補遺卷二十

後序

舉古人篇什綜核而進退之非博覽無以窮正變非深造無以知得失二者恒不易兼故選家備數代製作則或失之濫守一家門徑則或失之隘而樂府審音尤難國初秀水朱先生以詩文餘力爲長短句其風格出同時諸人上復以撰著餘力編詞綜一書採摭之富鑒別之精亦迥出諸家詞選上無他其所造者深而其所取材者博也自是書出倚聲家奉之如天之有北斗水之有尾閭而古人之精神亦相爲感通凡昔所未顯者今皆見於世青浦王司寇有續編之作曾刻補遺二卷

時陶鳬薌觀察尙未通籍襄同編校每以采摭未廣爲憾於是罄縹緗剔巖穴閱數十寒暑復得唐宋金元詞爲前集所未收者成補遺二十卷君之於詞專門績學爲時弁冕能造前人獨造之境又讀前人未讀之書故是編旣博且精無所多讓而君方歆然不自韙條其義例下問及

章章

學爲詩於詞無所得顧久從君游讀君

之詞亦稍稍窺涯涘焉蓋嘗慨夫詩之敝也以謂詠雖詩之餘而較詩猶近於古何者自元白以詩偶俗好而比興之義左宋儒泥辭以說詩而溫柔敦厚之意疎後之詩人或以鄙俚爲真以議論爲豪以餽飣爲富以佻

巧恠僻爲新奇辭殫意竭無復餘蘊人人優爲之而去
古益遠詞則不然諧之以節拍限之以章句其旨婉曲
其情矐矐其文華妙而隱秀每卽境以寓懷亦因物以
托喻發之若無端索之若無跡超超焉栩栩焉不與人
以易盡而感觸於語言之表浮慮不能入也粗才不得
騁也澄汰鍛鍊之功不可以倉卒成也使世之稱詩者
執筆爲唐宋金元之詞其果能盡合乎否耶且古之詩
多入樂其音律不可攷唐樂府初亦以五七言雜和聲
歌之天寶以後詞之體成詩遂不復入樂白石道人自
註旁行斜上之譜知音者猶得按籍而求其故則雅頌

之遺在此不在彼矣三百篇用韻皆矢口而成鵲巢平上通江有汜碩人平上去通玼兮上去入通蓋自然之元音而非後世之所謂叶也詞之韻上去間用平側互用以抗墜清濁之響成頓挫疾徐之奏卽非古調猶是古法法存則調雖變而不離其宗豈如末流之詩橫溢自恣無所隄障者哉雖然詩旣敝詞亦何能不敝比嘗見靡曼纖瑣有若院本曲者淫嫖粗獷有若委巷謳謠者折楊皇芩往往而是則異乎曾慥之所云雅詞矣不雅不足以爲詞欲挽不雅而歸之雅非精且博如詞綜不足以爲法於戲此君補遺之作之所不容已歟君之

書出則朱先生之書益以顯使學者知詞雖末藝猶不
可以淺陋爲將由詞而推之詩以進乎比興之風溫柔
敦厚之教則斯文之復古惟君其倡之哉若乃發潛幽
正訛僞進善而退惡以政事通乎聲音而探風雅之本
原又不僅以詞人撰述目之斯誠足補朱先生所未逮
矣章不敏無以贊君敢抒方隅之見附名簡末道光甲
午孟春大興李雲章

後序

原夫金荃揆藻溫尉工側豔之詞翠羽哀彈韋相有緣
情之作流傳樂府競託新聲賭唱旗亭爭誇名句花間
導源於渤海尊前扶質於鄧林五夜脂然一時紙貴三
唐五代之作實乎尙已至若粹夫妙選端伯雅詞花庵
萬微意於中興草窗彙名篇於末子兩宋作者莫備於
斯金元以來撿觚益衆然或專滴粉搓酥之習則綺語
難除尙穿雲裂石之音則豪情未滌甚至取諧俗耳有
類楊夢作調言漸成花燬此又當重開其元袞而力
挽其波者已於是竹垞太史發曹氏之石倉陳鄴侯

之錦詞披芸旣富美雅製於大晟緝柳彌勤屏淫哇於
下里竊眇契姜張之旨婉約抒秦晏之情小令則嗣軌
李唐長調亦取材趙宋絲懸鐵網五百家備列前賢墨
灑金壺三十卷兼賅往代洵足洗草堂類編之弁陋破
潛山詞話之拘墟矣惟是宛委山園莫窮雲笈瓊嬛室
邃間秘瑤函未免搜片玉而縈懷索遺珠而興慨鳬薺
觀察覃思著述託興詞章綜鈐鍵於九流溯津涯於七
錄彩毫修史義釋桃萊鳥几橫經文參柳穀爰以逸篇
之補葺復爲踵事之增華體例無殊搜羅益廣舉凡文
林著錄藝苑儲藏甲乙四部之浩繁大小二山之深窈

以及芝蘭木序羽客靈談鹿苑龍宮繙徒梵夾靡不窮
搜虹岫博訪鴻都驅舊蠹於青箱裏古香於綠帙重以
水村倚懼樹隱殘碑石徑停車苔迷斷碣亦復響榻麝
煤之瀋開開魚蘭之封蓋自發軔江東已勤掌錄比及
分符薊北更焚心香歷卅年而習近居蘭不少一編之
借積廿卷而數逾束筍頻勞三徑之閒詞客有靈緬音
容而若接斯文未墜留姓氏以難湮旣闢幽而表微亦
拾遺而補闕固不僅鍾律標其新義風雅振其遺音已
也

長卿

耳學難充有慙蠶守心源久涸每類螢枯近因

檢覈上編重屬鈎稽副墨正許綠紉紅之誤方期分照

於然二析魯魚亥豕之疑惟冀程功於埽葉云爾

道光甲午孟夏朔錢塘吳長卿譔